

Broj: 01-UO-4- 863 /23
Datum 13.09.2023. god.

Na osnovu člana 24. Pravila Fakulteta islamskih nauka Univerziteta u Sarajevu, Upravni odbor Fakulteta islamskih nauka Univerziteta u Sarajevu na svoj Četvrtoj redovnoj sjednici održanoj u Sarajevu dana 13.09. 2023. godine, donio je sljedeću:

O D L U K U

Član 1.

Ovom Odlukom propisuje se postupak izbora saradnika u akademsko zvanje asistent/viši asistent i izbor nastavnika u akademsko zvanje docent, a koji ranije nisu bili angažirani u saradničkom zvanju na Fakultetu islamskih nauka Univerziteta u Sarajevu, kao i postupak prijema u radni odnos radnika iz reda nenastavnog osoblja na Fakultetu.

Član 2.

Pored općih i posebnih uslova propisanih zakonskim i podzakonskim aktima, aktima Rijasetu i internim aktima za izbor u akademska zvanja i prijem radnika u radni odnos na Fakultetu islamskih nauka Univerziteta u Sarajevu (dalje: Fakultet), Fakultet može postaviti dodatne posebne uslove za izbor saradnika u akademsko zvanje asistent/viši asistent i izbor nastavnika u akademsko zvanje docent, a koji ranije nisu bili angažirani u saradničkom zvanju na Fakultetu u realizaciji nastavnog procesa, kao i za prijem u radni odnos radnika iz reda nenastavnog osoblja.

Dodatne posebne uslove iz stava (1) ovog člana Fakultet utvrđuje prilikom donošenja odluke o raspisivanju javnog konkursa, na prijedlog podorganizacione jedinice kojoj pripada radno mjesto za koje se raspisuje konkurs za izbor u zvanje, odnosno prijem u radni odnos (**“vodeći računa o specifičnostima radnog mjesta za koje se raspisuje javni konkurs”**)

Član 3.

Tekst javnog konkursa za izbor u akademska zvanja, odnosno prijem u radni odnos radnika iz reda nenastavnog osoblja iz člana 1. ove Odluke obavezno sadrži informaciju o polaganju pismenog i usmenog dijela ispita (intervjua) kao sastavnim dijelovima konkursne procedure.

Ispit iz stava (1) ovog člana obavezno provodi Komisija za pripremanje prijedloga za izbor u akademska zvanja, odnosno za prijem u radni odnos radnika iz reda nenastavnog osoblja.

Član 4.

Pravo pristupa pismenom dijelu ispita stižu prijavljeni kandidati koji ispunjavaju opće i posebne uslove, uključujući i dodatne posebne uslove koji su navedeni u tekstu konkursa.

Pismeni dio stručnog ispita čine zadaci esejskog tipa koji se, u pravilu, odnose na rješavanje praktičnih problema koji su tipični za poslove radnog mjesta na koje se kandidat prijavljuje, kojima se pored znanja provjeravaju i vještine.

~~SECRET~~

Komisija utvrđuje zadatke za pismeni dio stručnog ispita najranije 24 sata prije početka testiranja.

Pismeni dio stručnog ispita traje najviše do 3 sata, zavisno od broja pitanja, a raspoloživo vrijeme za pojedinačno esejsko pitanje je 45 minuta. Kandidati koji uspješno odgovore na 2/3 postavljenih pitanja stiču pravo da pristupe intervjuu.

Član 5.

Usmeni dio stručnog ispita čini strukturirani intervju koji traje do 45 minuta, polaže se pred Komisijom i sadrži pitanja koja se odnose na znanje kandidata, sposobnost da obavlja poslove radnog mjesta, sposobnost kandidata da se prilagodi promjenjivoj radnoj sredini, radno iskustvo, stručnu spremu i kvalifikacije, timski rad, usvajanje novih znanja, poznavanje djelatnosti institucije i oblasti povezanih s radnim mjestom.

Pitanja za intervju utvrđuje Komisija za izbor na sastanku koji neposredno prethodi intervjuu.

Pored pitanja kojima se utvrđuje nivo znanja kandidata, postavljaju se i pitanja koja su usmjerena na provjeru sposobnosti, odnosno kompetencija, koje predstavljaju načine ponašanja koji su potrebni kako bi se poslovi određenog radnog mjesta obavljali profesionalno.

Na pismenom i usmenom dijelu ispita za prijavljene kandidate za raspisani konkurs za prijem radnika iz reda nenastavnog osoblja posebno se provjerava posjedovanje kompetencija utvrđenih Pravilnikom o ocjenjivanju rada nenastavnog osoblja Fakulteta.

Član 6.

Kandidat na konkursu za radno mjesto na kojem je poznavanje stranog jezika obavezno, na jedno ili dva esejska pitanja (zavisno od toga da li se traži poznavanje jednog ili dva strana jezika), obavezno odgovara na stranom jeziku, nakon čega se i jedan dio intervjuu obavlja na tom jeziku.

Član 7.

Sa kandidatom koji bude primljen na radno mjesto iz reda nenastavnog osoblja, Fakultet zaključuje ugovor na određeno vrijeme, odnosno ugovor na neodređeno vrijeme uz probni rad u trajanju do šest mjeseci.

Za vrijeme probnog rada kandidat se obavezno evaluira od strane Fakulteta, pri čemu negativna ocjena kandidata u toku probnog rada predstavlja osnov za raskid ugovora o radu.

Član 8.

Odluka stupa na snagu danom dobijanja saglasnosti Osnivača.

O b r a z l o ž e n j e

Shodno odredbama Zakona o visokom obrazovanju (Službene novine Kantona Sarajevo br. 36/22), Zakona o slobodi vjera i pravnom položaju crkava i vjerskih zajednica u Bosni i Hercegovini ("Službeni glasnik BiH, broj 5/04) od 28.01.2004. godine, Standarda i normativa za obavljanje djelatnosti visokog obrazovanja na području Kantona Sarajevo ("Sl. novine Kantona Sarajevo", broj 17/19), Pravilnika o unutrašnjoj organizaciji i sistematizaciji radnih mjesta na Fakultetu islamskih nauka Univerziteta u Sarajevu i obrazloženih zahtjeva za raspisivanje konkursa za

prijem radnika u radni odnos na Fakultetu islamskih nauka Univerziteta u Sarajevu, Upravni odbor Fakulteta saglasan je sa predlozenim, te se donosi Odluka kao u dispozitivu.



Predsjednik Upravnog odbora
Dr. Enes Ljevaković

Enes Ljevaković

Dostaviti:

- 1 x Rijeset, Uprava za obraz. i nauku,
- 1 x Sekretar
- 1 x Ogl. pl.
- 1 x Uz zapisnik,
- 1 x a/a.



ISLAMSKA ZAJEDNICA U BOSNI I HERCEGOVINI
RIJASET



Broj: 02-03-2-3551-3/23

Datum: 13. rebiul-evvel 1445. god. po H.
28. septembar 2023. godine

Na temelju odredbe člana 17. i člana 34. Pravilnika o organizaciji i radu Rijasetu, Rijaset Islamske zajednice u Bosni i Hercegovini na 12. redovnoj sjednici, održanoj u Sarajevu dana 13. rebiul-evvela 1445. god. po H., odnosno 28. septembra 2023. godine, na prijedlog Uprave za obrazovanje i nauku, donio je sljedeću:

ODLUKU

Član 1.

Rijaset Islamske zajednice u Bosni i Hercegovini daje saglasnost na Odluku Upravnog odbora Fakulteta islamskih nauka o proceduri prijema u radni odnos na Fakultetu islamskih nauka, broj: 01-UO-4-863/23 od 13.09.2023. godine.

Član 2.

Odluka stupa na snagu danom donošenja.

Dostavljeno:

- ☉ Fakultetu islamskih nauka;
- Upravi za obrazovanje i nauku;
- Sekretaru;
- a/a.

